



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, 25 OKAKOPA, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā	-	Ke'ena Kuleana Ho'okipa o Hawai'i (HTA)
Maenette Ah Nee-Benham	-	Koho 'Ia E Ka Kia 'Āina
Snowbird Bento	-	Kaiāulu
Sylvia Hussey	-	Ke'ena Kuleana Hawai'i (OHA)
Jarrett Keohokālole	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'āinana o Hawai'i
Makanani Salā	-	Ke Kūlanakauhale a Kalana o Honolulu
Māpuana de Silva	-	Kaiāulu

Nā Hoa Kipa:

Maka Casson-Fisher	-	Ke'ena Kuleana Ho'okipa o Hawai'i (HTA)
Mamiko Carroll	-	Kaiāulu
Jean-Emmanuel Frantz	-	Kaiāulu
Ilihia Gionson	-	'Ahahui Ho'okipa 'Ōiwi Hawai'i
Dede Howe	-	Ke'ena Kuleana Ho'okipa o Hawai'i (HTA)
Lynn Martin Graton	-	Kaiāulu
Monte McComber	-	Royal Hawaiian Center
Malia Sanders	-	'Ahahui Ho'okipa 'Ōiwi Hawai'i
Pris Texeira	-	Kaiāulu
Julia Paleiholani	-	Limahana Kāko'o o Ke Kenekoa
Kehaulani Pu'u	-	Ke'ena Pāka & Nā Hana Ho'onanea o Ke Kalana

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Selma Malcolm	-	DBEDT
Timothy Tiu	-	DBEDT
Scott Tome	-	DBEDT

HO'OMAKA

Ho'omaka ka Luna Ho'omalū 'o Kalani Ka'anā'anā i ka hālāwai ma ka hola 230'aiu ma o ke aloha 'ana aku i ka po'e ma ka ZOOM a me ka Facebook Live.

Hana 'ia he kīkolā i mea e 'ike ai 'o wai nā Lālā Komikina i hō'ea, eia mai ka po'e hō'ea: Luna Ho'omalū, Hope Luna Ho'omalū Salā, Ms. Ah Nee-Benham, Ms. Bento, Ms. Hussey, Mr. Keohokālōle, Ms. Lum, Mr. Onishi, Ms. de Silva.

Noi maila ka Luna Ho'omalū iā Ms. Hussey e mālama i ka wehena. Ha'i mo'olelo 'o Ms. Hussey e pili ana i kona ho'omana'o 'ana i kona mau mākuā no ko lākou 'ike mai nā kūpuna mai, ma waena o nā māhina o 'Okakopa me Nowemapa. He mea nui ka 'ike ku'una o nā kūpuna, keu ho'i ma kēia wā o ka nohona kanaka. Hāpai 'o ia no ka hala 'ana 'o Mr. Peter Hanohano, he akeakamai Hawai'i i puni i ka 'imi 'ike e pili ana i ka po'e 'ōiwi. I mea e ho'ohanohano ai iā ia, ho'omana'o akula 'o ia i ke Komikina, ua mau ke ola 'ana o kekahi o nā kūpuna, ua mau nō ka hiki ke wala'au a launa me lākou. Ma muli o ka nui 'ōnaehana hou o kēia au, e like nō me ke kūlelepaho, i kekahi mau manawa, 'a'ole kākou ho'oka'awale i ka wā e launa ai me nā kūpuna. Paipai akula 'o ia i nā Lālā Komikina, e 'auamo i ke kuleana, ma ke 'ano he lālā o kēia Komikina, e 'ae mai i nā kūpuna e kōkuā a alaka'i i ka hana, ma o ka ho'olohe 'ana i ko lākou mau mana'o.

Mahalo akula ka Luna Ho'omalū iā Ms. Hussey no ke ka'analike 'ana i kona mau mana'o. Ho'omau akula 'o ia i kahi kumumana'o a'e.

'OLELO HŌ'IKE A KA LEHULEHU

Kono a'ela ka Luna Ho'omalū i ka po'e lehulehu e hō'ike mai i ko lākou mau mana'o no nā mana'o ma ka papakumumana'o. Me ka 'ole o nā mana'o i ho'opuka 'ia, ho'omau akula 'o ia i kahi kumumana'o a'e.

'ĀPONO I KA MO'O'OLELO HĀLĀWAI 11 OKEKOPA 2021

Ua nā'ana 'ia ka mo'o'olelo hālāwai e nā Lālā Komikina. Noi mai ka Luna Ho'omalū inā i pono e ho'ololi 'ia kekahi mea. Me ka 'ole o nā 'olelo kū'ē i lohe 'ia, noi mai 'o ia no ke koho pāloka ma o ke kāhea inoa. Kāko'o mai 'o Ms. Ah Nee-Benham i ia mana'o, pēlā pū 'o Hope Luna Ho'omalū Salā. Ho'oholo nā Lālā Komikina penei: Luna Ho'omalū Ka'anā'anā, Hope Luna Ho'omalū Salā, Ms. de Silva, Ms. Lum, Ms. Ah Nee-Benham, Ms. Hussey, Mr. Keohokālōle, Ms. Bento.

Ua lōkahi ke 'āpono 'ana i ka mo'o'olelo hālāwai.

KA NŪ HOU NO NĀ WĀ HUI I 'ĀPONO 'IA, ME KA HĀHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Hō'ike mai ka Luna Ho'omalū no kekahi hui 'ana, i hāhai pono i nā lula o ke kau kĀnāwai 103, me ka 'olelo pū 'ana no ko ke Komikina Papa Luna Ho'okele ho'ouna 'ana aku i kekahi palapala e hō'ike ana i nā mea i wala'au 'ia ma ia hālāwai, i nā Lālā Komikina. Aia nō a hō'ea i kēlā wā ma ka papakumumana'o, a laila e kūkākūkā 'ia nā mea i wala'au 'ia ma ia hālāwai 'ana.

KA NŪHOU NO KE KOMIKINA PAPA LUNA HO'OKELE

Noi mai ka Luna Ho'omalua iā Ms. Ah Nee-Benham e alaka'i i kēia māhele o ka hālāwai. Ha'i mai 'o Ms. Ah Nee-Benham no ko ka Papa Luna Ho'okele komo pū 'ana me NaHHA ma ka nīnauele 'ana i ka moho no ke kūlana Luna Ho'olaule'a. Ho'omana'o ihola 'o ia i nā Lālā Komikina no ka hā'awi mua 'ia 'o ka mo'o'ōlelo hālāwai ma mua o ka ho'omaka 'ana o kēia hālāwai. Ho'omau akula 'o Ms. Ah Nee-Benham me ka 'ōlelo 'ana no ko NaHHA mālama me ke alaka'i 'ana i ka nīnauele me ka moho. Ma mua o ka hui kūikawā 'ana, ua ha'alele 'o Ms. Ah Nee-Benham lāua 'o Hope Luna Ho'omalua Salā, 'oiai, 'a'ole hiki iā lāua ke komo pū ma ia hālāwai 'ana.

'Ae maila ka Luna Ho'omalua i kēia hui kūikawā 'ana o nā Lālā Komikina. Noi mai 'o Ms. Lum e komo pū ma kēia hālāwai 'ana, me ka hāpai pū 'ana i ka 'ōlelo a ka palapala Hawai'i Revised Statutes, 'o ia ho'i, ua hiki i ke Komikina ke koho pāloka i ke komo 'ana o kekahi Lālā Komikina hou ma ka hālāwai no ke kōkua 'ana ma ka hai 'ana i nā limahana hou. E ho'omana'o ka Lālā Komikina hou i ke ko'iko'i o nā pono pilikino, me ka paipai pū 'ia 'o ka Lālā Komikina e nīnau aku i nā nīnau i ka loio inā kupu mai nā nīnau e pili pū ana i ka mana o ke Komikina, nā kuleana, nā pōmaika'i o ke kūlana, apwa. Kāko'o mai 'o Mr. Keohokālole i ka 'ae 'ana iā Ms. Lum e komo pū ma kēia hālāwai 'ana.

Noi 'ia ke koho pāloka ma o ke kāhea inoa, e ho'omaka ai i kēia hālāwai kūikawā 'ana. Penei ke ka'ina o ka ho'oholo 'ana: Luna Ho'omalua Ka'anā'anā, Hope Luna Ho'omalua Salā, Ms. de Silva, Ms. Lum, Ms. Ah Nee-Benham, Ms. Hussey, Mr. Onishi, Mr. Keohokālole, Ms. Bento.

Ua lōkahi ke 'āpono 'ana.

Paipai ka Luna Ho'omalua i ka ho'ohana 'ia o kekahi loulou Zoom hou no kēia hālāwai 'ana, na NaHHA e kōkua me kēia hana. No ka po'e o ke kaiaulu, e mau ana nō ka hiki ke noho ma kēia loulou Zoom.

Ua ho'omaka ka hālāwai kūikawā 'ana ma ka hola 2:45'aiu. 'A'ole i komo pū 'o Hope Luna Ho'omalua Salā lāua 'o Ms. Ah Nee-Benham ma kēia hālāwai 'ana.

Ua komo hou nā Lālā Komikina i ka hālāwai ma'amau ma ka 4:06'aiu.

Paipai ka Luna Ho'omalua i nā Lālā Komikina e ho'omaha no kekahi mau minuke, a laila e ho'omaka hou 'ia ka hālāwai ma ka 4:12'aiu.

Ua ho'omaka hou ka hālāwai ma ka hola 4:13'aiu.

KŪKĀKŪKĀ & KE KOHO 'ANA NO NĀ KAHUA HO'OLAULEA

Noi mai ka Luna Ho'omalua iā Hope Luna Ho'omalua Salā e alaka'i i kēia māhele o ka hālāwai. Ho'olaha ka Luna Ho'omalua no ka mālama 'ia 'o ka hālāwai me ka Pelekikena o UH, 'o David Lassner ho'i. Mai ia hālāwai 'ana, ua 'ae maila ko UH iā mākou e ho'ohana i ka Andrews Amphitheatre me ka Legacy Path no ke Kahua Ho'olaule'a. Wahi a ka Hope Luna Ho'omalua, 'oiai ua loa'a he mau hihia e pili pū ana i ka 'ōnaepuni i pono e wala'au 'ia, ua ho'opa'a 'ia he

hālāwai me ko UH Mānoa 'Aha Kuhina, he mau po'e limahana kēia e 'āpono/kū'ē ana i nā hana e pili pū ana i ka 'ōnaepuni.

Nīnau ka Luna Ho'omalū, ma hea ka Legacy Path ma ke kahua kula, pane mai ka Hope Luna Ho'omalū, he alahahele ia ma waena o Andrews Amphitheatre a me Krause/Kuykendall Halls, ho'omaka ma Dole Street a ho'omau aku a hiki i kahi o ke Campus Center. He alahahele ia ma kahi o ke kahua ho'okū ka'a.

Noi mai 'o Mr. Keohokālōle no ko ke Komikina mana'o e pili ana i ka wahi, a inā paha i lawa ka lumi no ka mālama 'ana iā FestPAC ma laila.

Wahi a ka Hope Luna Ho'omalū, i ko UH mā mana'o, ua kūpono ka manawa e mālama ai i kēia hanana, 'oiāi, e mālama 'ia ana ma waena o ka wā e pau ai ke kau kupulau, me ka ho'omaka 'ana o nā papa kauwela. Nīnau maila ka Luna Ho'omalū inā ua hiki ke ho'ohana 'ia 'o Kuykendall Hall ma ke 'ano he wahi e hui ai ka po'e e komo nei ma kēia hanana. Mea mai 'o Ms. Bento, 'akahi nō a mālama 'ia he hanana ma laila a lāua 'o Ms. de Silva i komo aku ai, ma mua o kēia wā ma'i ahulau. Ua mālama 'ia ka hanana ma Andrews Amphitheatre. Ua 'ike pū 'ia ka ho'ohana nui 'ana o nā kula a me nā hui 'ē a'e iā Kuykendall Hall ma ke 'ano he wahi e hui ai ka nui. He mea nui ko ke Komikina ho'oholo 'ana i nā lula e pili pū ana i ka mālama 'ana i ka palekana o ka po'e ma kēia wā o ka ma'i ahulau, ua hāpai 'ia nā kulekele o 9-11, 'o ia ho'i, ka ho'oholo 'ana i nā lula a me nā hana no ka huaka'i 'ana, ma ke 'ano he la'ana. Ho'omau akula 'o ia me ka 'ōlelo 'ana no ka papaha o ka ho'omau 'ia o nā lula e pili pū ana i ka ma'i kolona, a hiki paha i ka makahiki 2024, a no laila, e pono ana e no'ono'o i ka ho'oka'awale 'ia o nā hui i mau pū'ulu li'ili'i. Inā nō ho'ohana 'ia 'o Andrews Amphitheatre, he pono ka no'ono'o pono 'ana i ia mau mea.

Hō'ike mai 'o Mr. Keohokālōle i kona mana'o, 'o ia ho'i, inā ho'ohana 'ia ka Legacy Path no nā 'elele e komo nei ma FestPAC, 'o ia ke alahahele ma'alahahele loa e ho'ohana ai ma ke kahua kula. Hiki ke mālama 'ia he mau hanana 'ē a'e ma UH kekahi, 'o ke Kahua Ho'olaule'a na'e ka hanana nui e mālama pono ai. Wahi a ka Luna Ho'omalū, e mālama 'ia ana ke kālā kekahi 'oiāi ua hiki i nā 'elele ke hele wāwae mai ka Andrews Amphitheatre i nā hale a lākou e noho nei, 'a'ole ana pono e hopohopo nui i ka uku 'ana no nā ala kau.

Wahi a Ms. Ah Nee-Benham, loa'a he alahahele i uka o Andrews Amphitheatre a me ka Legacy Path, i hiki ke ho'ohana 'ia no nā hana lawelawe. Hāpai pū 'o ia i ka mana'o 'o ka ho'ohana 'ana iā Krause Hall. He mau nīnau a mana'o kēia e hāpai 'ia ana ma ka hālāwai hou 'ana me ka 'Aha Kuhina o UH Mānoa.

Nīnau ka Luna Ho'omalū inā ua hiki ke ho'ohana 'ia ke Clarence T.C. Ching Field, ma kai ia o ke kahua kula, no nā hana FestPAC. 'Ōlelo akula 'o Ms. Ah Nee-Benham, aia nā hale mele ma ia 'ao'ao o ke kahua kula kekahi. Ho'opuka a'ela kekahi no ka hāpai 'ole 'ia 'o Ching Field ma mua; eia na'e, e hiki ana paha ke ho'ohana 'ia ka hale 'o Richardson School of Law and Music no FestPAC. Pane ihola 'o Ms. Ah Nee-Benham i ko ka Luna Ho'omalū nīnau e pili ana i nā kumu maika'i 'ole o ka mālama 'ana i ke Kahua Ho'olaule'a ma UH Mānoa, 'o ia ho'i, 'a'ole lākou makemake e ho'olilo kālā inā nō mālama 'ia ka hanana 'o FestPAC ma ke kahua kula. Ma muli o

kēia nīnūnē, he pono paha ko ke Komikina kōkua 'ana me nā kāki 'ōnaepuni e la'a ho'i me ke kāki no nā lua hou, a me nā kāki 'ē a'e e kupu mai ana, i hiki ke mālama 'ia kēia hanana ma ke kahua kula.

Nīnau mai 'o Mr. Onishi inā e 'ae ana 'o UH i ke kū'ai 'ana aku i nā waiwai a huahana 'oko'a ma ka wā o FestPAC. Wahi a Ms. Salā, he pono ke kūkākūkā 'ana me ko UH Mānoa 'Aha Kuhina no kēia. Wahi a Ms. Ah Nee-Benham, 'o ia kekahi o nā kumu o ka hāpai 'ana i ka Legacy Path, 'oiai, 'a'ole ia he 'āina i ho'oili 'ia mai nā mō'i mai, a no ka mea, 'a'ole kau palena 'ia ke 'ano o ka hana ma ia 'āina.

Nīnau ka Luna Ho'omalua inā ua hiki paha ke ho'ohana 'ia ke kahua mau'u i hope o Hawai'i Hall. Wahi a Ms. Salā, 'a'ole hiki ke ho'ohana 'ia ia wahi. Ua nīnau 'ia inā ua hiki ke ho'ohana 'ia ke Campus Center, pane maila 'o ia me ka 'ōlelo 'ana no ka pono e wala'au hou aku no ia mana'o me ko UH 'Aha Kuhina, eia na'e, e hiki ana paha ke ho'ohana 'ia, 'oiai, loa'a he mau pā'oihana mai waho mai o UH Mānoa e ho'olimalima nei i ia wahi i kēia manawa.

Wahi a Ms. Bento, 'oiai loa'a he pū'ulu kālā li'ili'i i mālama 'ia no ka Hawai'i Convention Center, makemake 'o ia e hō'oiia i ka ho'ohana pono 'ia o ia kālā. Wahi a ka Luna Ho'omalua, 'a'ole hiki ke ho'ohana 'ia ia kālā no kekahi wahi 'ē a'e, 'oiai, ua ho'olilo mua 'ia ma ka ho'olimalima 'ana i ka hale Hawai'i Convention Center. Hiki na'e ke ho'ohana 'ia ia wahi no nā hanana 'ē a'e, e la'a ho'i me ka mālāma 'ana i nā pā'ina no nā 'elele kūikawā, no nā hana 'enehana, apwa.

Hāpai mana'o 'o Ms. de Silva, me ka 'ōlelo pū no kona makemake i ka mālama 'ia 'o ke Kahua Ho'olaule'a ma waho. Inā 'o ke kulanui kahi ho'okahii hiki ke hana pēlā, e ho'ohana 'ia ke kulanui, i loko nō paha o ka 'u'uku o ia wahi. Ho'omau 'o ia me ka 'ōlelo 'ana, inā ho'ohana 'ia ko UH Mānoa 'āina no ke Kahua Ho'olaule'a, i kona mana'o, e mālama ka'awale 'ia nā hana 'ē a'e mai ia wahi mai. Ua hiki i nā 'elele ke huaka'i aku i ke Convention Center no nā hanana li'ili'i 'ē a'e, e la'a ho'i me nā hālāwai, nā hō'ike'ike kuke, apwa. Inā hana 'ia pēlā, e like ana ka nui kālā e ho'olilo 'ia ma ia mau wahi 'elua.

Kāko'o 'o Ms. Ah Nee-Benham i ka mana'o a Ms. de Silva i hāpai ai. Hāpai 'o Ms. Ah Nee-Benham no ka wala'au mua 'ia 'o ka ho'ohana 'ana i nā wahi 'ē a'e a puni o ka mokupuni no nā hanana FestPAC 'ē a'e. Mahalo 'o Ms. Bento i nā mana'o i hāpai 'ia, i kona mana'o, 'o ka hiki i ke kaiaulu e komo pū ma kēia hanana FestPAC ka mea nui, me ka hō'oiia pū i ka ho'olilo pono 'ia o ke kālā ma kēia mau hana.

I ko Ms. de Silva mana'o, he mea nui ka ho'ēmi 'ana i ka heluna po'e ma ka hanana ho'olaule'a, i 'ole pihaku'i ho'okahi wahi i ka po'e lehulehu he nui. Ua hiki ke ho'oponopono 'ia kēia nīnūnē ma o ka ho'olimalima 'ana i mau wahi e kipa ai. Ho'opuka ka Luna Ho'omalua i kona mana'o, 'o ia ho'i, e 'oi aku ana ka waiwai o ko nā 'elele FestPAC kipa 'ana ma 'ō aku o ho'okahi wale nō wahi. I kona mana'o, he mea nui ko nā 'elele launa 'ana me ko kākou po'e.

Wahi a Mr. Keohokālōle, he kōkua ka ho'okumu 'ia 'o kekahi wahi e hui ma'amau ai, e la'a ho'i me UH Mānoa, i hiki ke ho'olālā pono i nā hanana 'ē a'e. Ua hiki i nā 'elele FestPAC ke hele

wāwae i ke Kahua Ho'olaule'a, a e ma'alahi ana ka ho'okū ka'a 'ana ma ke kulanui, 'a'ole nō ma'alahi loa ka ho'okū ka'a 'ana ma kekahi mau wahi 'ē a'e ma Honolulu. Ho'omau 'o ia me ka 'ōlelo 'ana no ka hiki ke hakuhia ma ka 'imi 'ana i mau ala e ho'okipa a lawelawe pono ai i nā 'elele o kēia hanana.

Nīnau maila ka Luna Ho'omalulu i kekahi nīnau, 'o ia ho'i, pehea e "Hawai'i" ai kēia hanana FestPAC ma mua o nā hanana 'ē a'e i ho'olālā mua 'ia? Eia mai he la'ana, e aho paha ka mālama 'ana i ka pule me nā 'elele FestPAC i kēlā me kēia kakahiaka. 'Oiai e noho ana nā 'elele ma UH Mānoa, ua hiki ke hui like ma Andrews Amphitheatre i nā kakahiaka a pau no ka pule 'ana, he hana kūikawā kēia no lākou. Ua hiki ke ho'olālā pono i ka ho'ohana 'ia 'o ka Amphitheatre no kēia 'ano hana. Kāko'o 'o Ms. de Silva i kēia mana'o. I kona mana'o, ua hiki pū ke komo nā hālau ma kēia hana.

Ma kēia wā o ka hālāwai, noi mai 'o Ms. de Silva no ke koho pāloka ma o ke kāhea inoa, no ka papaha o ka mālama 'ia 'o ke Kahua Ho'olaule'a ma UH Mānoa, 'o ia ke koho mua, i loko nō o ka pono e kūkākūkā hou aku ai no nā lāli'i. Ho'okomo pū ka Luna Ho'omalulu i ka mana'o 'o ka ho'ohana 'ia 'o Ala Moana/Magic Island ma ke 'ano he pani no ka wahi mua. Kāko'o mai 'o Ms. Lum i ia mau mana'o. Kāko'o pū 'o Ms. Hussey i ia mau mana'o, me ka maopopo pū no ka pono e wala'au hou aku 'ia o nā lāli'i. Wahi a Ms. Lum, he pono ka wala'au hou aku iā UH Mānoa mā, akā, he ho'omaka maika'i kēia koho pāloka 'ana.

Ho'opuka a'ela ka Hope Luna Ho'omalulu no ko ka Hope Luna Ho'okele o Ke Kalana ma ka māhele Pāka & Nā Hana Ho'onanea,, 'o Ms. Kehaulani Pu'u, komo mua 'ana ma kēia hālāwai, eia na'e, ua pono 'o ia e ha'alele koke ma muli o kekahi hana 'ē 'ae. E komo pū ana 'o ia ma nā hālāwai Komikina Wahi i mea e kōkua ai ma ia hana. Ho'omau ka Hope Luna Ho'omalulu me ka 'ōlelo 'ana no ka pa'akikī o ka ho'olimalima 'ana iā Ala Moana/Magic Island no ka wā holo'oko'a 'o ka mālama 'ia 'o ke Kahua Ho'olaule'a. Hāpai ka Luna Ho'omalulu i ka mana'o 'o ke kokoke 'o ke Convention Center i ia wahi, a no ia kumu, he 'i'ini kona e komo ai ma ka hālāwai o ka Papa Luna Ho'okele Hoa Kaiahome.

Hāpai 'o Ms. Ah Nee-Benham i ka mana'o 'o ka ho'ololi iki 'ana i ka mana'o ho'oholo, e 'ōlelo 'ia, mau nō ka ho'oholo 'ana inā kūpono ka ho'ohana 'ia 'o ko UH Mānoa kahua kula no ke Kahua Ho'olaule'a.

Ho'okā'oi 'o Ms. de Silva i ka mana'o ho'oholo; e ho'ohana 'ia 'o Ala Moana/Magic Island ma ke 'ano he pani no kahi o ke Kahua Ho'olaule'a, me ka ho'omakakoho 'ia 'o UH Mānoa 'o ia ke koho mua e mālama ai i ke Kahua Ho'olaule'a. Wahi a ka Luna Ho'omalulu, inā 'a'ole hiki ke ho'ohana 'ia 'o UH Mānoa, e ho'ohana paha 'ia 'o Ala Moana/Magic Island.

Noi hou 'ia ke koho pāloka ma o ke kāhea inoa, no ka ho'ohana 'ia 'o UH Mānoa 'o ia kahi e mālama ai i ke Kahua Ho'olaule'a, me ka ho'ohana 'ia 'o Ala Moana/Magic Island ma ke 'ano he pani, penei ke ka'ina 'o ka ho'oholo 'ana: Luna Ho'omalulu Ka'anā'anā, Hope Luna Ho'omalulu Salā, Ms. de Silva, Ms. Lum, Ms. Ah Nee-Benham, Ms. Hussey, Mr. Onishi, Mr. Keohokālole, Ms. Bento.

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 25 Okakopa, 2021 hola 2:30'aiu ma o ka ZOOM
'Ao'ao 7 o 7

Ua lōkahi ke 'āpono 'ana i ka mana'o ho'oholo.

'OLELO HŌ'IKE A KA LEHULEHU

Noi hou mai ka Luna Ho'omalulu inā he mau mana'o ko ka po'e lehulehu. Me ka 'ole o nā mana'o i lohe 'ia, ho'omau akula ka Luna Ho'omalulu i ka ho'olaha 'ana i ka lā o ka hālāwai hou 'ana, me nā ho'olaha 'ē a'e kekahi

NĀ HO'OLAHA

'A'ohe ho'olaha hou i kēia wā.

KA HO'OPA'A HĀLĀWAI – PŌ'AKAHI, 8 NOWEMAPA 2021

Ho'omana'o ka Luna Ho'omalulu i ka mālama 'ia o ka hālāwai Komikina hou ma Nowemapa 8, e hālāwai kūikawā ana ma ia lā kekahi.

HO'OKU'U

Ho'oku'u ka Luna Ho'omalulu i ka hālāwai ma ka hola 4:57 'aiu.

Me ke aloha e waiho 'ia nei,



Kalani Ka'anā'anā
Luna Ho'omalulu

11/8/2021

Lā